

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28




浙江圖書館



浙江圖書館



浙江圖書館



浙江圖書館



皇明名臣琬琰錄卷之十九

王 俊伯傳

楊孟載傳

南海周公傳

按察使羅君墓誌銘

按察使何公墓表

周孔明傳

按察使楊公墓誌銘

按察使劉公墓表

浙江圖書



世貞續編



彭 森

楊士奇

薛 瑄

楊守陳

何喬新

李朝用傳

按察使張公墓誌銘

王鏊

按察使趙公墓誌銘

王鏊

按察使李公墓誌銘

王九思

按察使羅公墓誌銘

恒齋先生朱公墓表

許宗魯

按察使吳公墓誌銘

邵寶

恥菴周公墓誌銘

林俊

周廷用傳

廖道南

按察使弟叔嗣行狀

高仲嗣

浙江圖書館

按察使張公墓誌銘

王世貞

浙江圖書館



致
玉
金



浙 江 圖 書 館

王俊伯傳

王英字俊伯崑山人洪武初從鄉校貢太學選授山東道
監察御史上察其可用特命署都御史事大書啟厚王
英四字揭諸殿柱尋授刑部主事陞郎中出為寧海知縣
永樂初召入復為郎中陞陝西按察使任滿得代行至
泗州卒英立朝兢兢謹畏每顧妻子曰吾以身許國其勿
以我死生為意時有建白輒毀其稿及長臬司以簡靜為
治不事苛察其居鄉尤率易嘗微服入郡城時禁庶民服
鞞門者縛英英笑曰吾官人也顧取舟中冠帶示之始得
釋亦不色怒邑令盛設酒饌邀英辭之竟赴隣翁飯或怪

之英曰鄰翁貧治具不若令之易也鄉人至今傳為談柄
云

浙江圖書館

楊孟載傳

楊基字孟載其先蜀人大父宦游江左而基生吳中遂家
烏潁敏絕人九歲能背誦六經著書十萬余言名曰論鑒
試儀曹不利會天下亂歸隱於吳之赤山張士誠時辟為
丞相府記室未幾辭去又客饒介所王師下江南籍錄諸
陪臣基以饒氏客安置臨濠旋徙河南洪武二年放歸尋
起為滎陽知縣謫居鍾離久之被薦為江西行省幕官以
省臣得罪落職六年又起奉使湖廣召還授兵部員外郎
出為山西按察副使進按察使後被讒奪職供役卒于
京基尤工於詩初會稽楊維禎客松江往來吳中以詩自

豪基嘗於坐上賦鐵笛歌維禎驚喜與俱東語所從曰吾
在吳文得一鐵來矣若曹就儂之學於老鐵學也至正洪武
之際與高啟張羽徐賁齊名號吳中四傑所著有眉菴集

浙江圖書

浙江等處提刑按察司按察使南海周公傳

新

南海彭森撰

公姓周初名日新在國初受知

太宗文皇帝嘗獨以新字呼之遂更名焉字志新世為南海人居郡南郭外之高第里永樂甲申拜監察御史彈劾不避權要凡知無不言而言無不盡雖屢犯天威公言愈懇切不少變貴戚皆畏之目為冷面寒鐵人因稱之曰冷面寒鐵公公初為郡庠生貢入太學有時名入選授大理寺評事以剛直著讞獄平允莫有稱屈在列咸推遜焉每有疑獄必決之公公一言而白至是轉風憲風裁益揚

人相競畏或小兒曰冷面寒鐵公來皆匿已而擢雲南按察使未及蒞政有命轉浙江有寃民逮繫數載聞命下喜相告曰冷面寒鐵公來也吾屬無患矣公至洗其寃放之有一巨高遠回未抵家而日暮恐孤行為人所剽掠潛以其貲置一祠石下至家妻問之商告以故明日求之無有也以公神明往訴焉公曰是必而妻有外遇也覈之果然蓋歸語妻時為姦人所聽而是夜先往取之笑其燭姦如此境中暴虎嘗害人公為文告城隍湏臾虎詣伏罪格殺之初來行道上有一蠅蚋群集馬首尾之見暴屍一軀無他物唯一鑰及小木私記收之及至令人市布取入比

印號不同者即發還已而得同號者鞠之乃劫布商賊也
悉以其賊召布商家人給之家人大驚時商去已二載於
是始知為盜殺也為政多類此它如辨豆獲豆人皆服之
嘗巡屬縣易服色入觸縣官收繫獄中遂知一縣疾苦明
日迎公乃自獄出縣官恐懼伏謝竟以罪去由是諸郡縣
吏聞風悉股栗莫敢肆其奸察案一日以
魏公公懸
之後有遺者指示之無復有以慶髮干公其僚案有受遺
者必問冷面寒鐵公知否公未顯時配夫人嘗治褥以給
及皆束漚處如貧日無雜色同僚私屬內燕公夫人往荆
釵布裙大類若田野婦各歸慙恧遂更相愛為澹素公雖

處家儉朴而轉移人若此脫大柄用而侈聲樂不為之減者
少矣 朝廷命錦衣千戶如浙拿賊吏即受吏贓公時進
須知遇諸涿州捕之繫于涿繫千戶逸走詣 闕奏 上
上怒令馳驛縛至既至伏 丹陛下猶口口歷陳其罪不
已 上愈怒命肆諸市臨刑大呼曰生得為直臣死當作
直鬼是夕奏文星墜 上大悔枉了好人不悅者久之問
左右曰周新何許人對曰廣東江上曰廣東有此等好人
自後嘗見形於朝或見一人衣紅衣立日中 上呵之為
誰對曰臣周新也 上帝以臣剛直命為浙江城隍為
陛下治奸臣貪吏言已不見 天顏撫然公少鯁直勁厲

姿幹高大俊偉異常好學能文尚凌厲在童子行而氣宇
凜若成人人無犯者有小挫必奮不平必直之而後在
庠校同列有過則面責至人無所容人以公為太甚輒抗
聲曰責善朋友道苟阿諛胡取友為有過者即改恒恐公
知之蓋其養可知已為政尚大體罔無明事斷如神人以
為生閻羅姦潛穴伏羣吏膽落民無犯令犴圜皆空然猶
愛惜小民惠澤草野雖三尺童子皆頌其美至今閩廣父
老猶解說其事父沒夫人獨挈公遺衣及遺書數卷歸廣
貧居如洗然新昌楊公信文去歲來南巡撫時存問其家
每月周之以俸嘗語人周志新當代第一人吾黨所未及

也森於公同里為叔行且蚤知於公今公死慮歲久湮沒
因暇筆其粗梗以識其為人或謂公發姦擿伏有廣漠風
而宋有鐵面御史公似過之故因當時之稱傳之曰冷面
寒鐵公云

故通議大夫湖廣按察使羅君墓誌銘

楊士奇

正統四年五月十四日湖廣按察司羅銓文衡卒於官其
兄文振術哀茹苦自淮安走武昌歸其喪及其孤訃至北
京翰林脩撰邵宏譽述其事行索余為銘邵其御史時同
寮余其會試時考官皆素厚也既諾之至是文振將以其
卒之明年某月某日葬之山陽清江浦州考妣之墓之側
遣人來趣銘羅之先家撫之宜黃元初有仕為吉水州學
錄者遂家其之東坊學錄孫再可再可孫繼道繼道子景
泰少游江淮遂居山陽娶范氏生二子文振文衡也文衡

自幼敦茂不好狎嗜書冊不去手稍長充邑學生旦夕克

勤所造詣日出同輩右永樂辛丑登進士第宣德丙午擢

廣西道監察御史無幾丁內艱歸杜門謹禮謝絕賓客服

闕改廣東道時風紀頹弛朝廷陞通政使太康顧公為

都御史奉勅選留賢俊罷黜不肖臺憲一新顧獨數數

稱文衡之才且良曰御史不足久淹之也文衡襟宇闔爽

而靜專厚重明於理勤於事慎於法審於情雖末務必求

至當同輩有窒^未通者咸就質之都御史有疑未決者咸

召咨之凡各道擬奏刑獄率經文衡閱續乃進一為盡心

而未嘗有矜色廣東民墾後兵荒田厚獲境內屯卒款敘

之不得而忿結衆夜竊所獲民覺起逐之卒棄走其三人
失道溺死按察司論民三人極死獄上文衡言於頤公律
竊盜棄財走主追殺者免罪矧溺乎公從之民皆不死常
州奸民告富家謀作亂所連甚衆奉命往按之皆妄遂
抵告者罪其明治獄多類此於事干禮法者不肯默刑
部郎有私忿相詬聲徹堂上堂上官不能制文衡曰是可
長乎遂劾奏忿詬者皆降黜堂上官以宥免會湖廣闕按
察使有旨令廷臣舉端重庶能達於大體者遂以命文
衡公議翕然稱允既至獄有繫囚二千五百久未決數日
羸遣殆盡人皆服剗弊剔蠹不怒而威時民間徵調繁夥

有司往往舉錯踰制文衡憫其非得已也卒從輕典惟受
賂魚所寬假每語其同官曰內執法獄議或失中有大理
為之平外莫為之平何可以不盡心景陵令楊季安廉正
不阿見嫉於州州誣其罪於鎮撫使已下楊獄文衡為白
之復揚官而正州官之造誣者罷之都指揮陳震縱私不
法奪造御物辭字為私居糾正其罪其武臣率挾威厲民
前之持憲者巽奕莫能戢文衡一裁以法若武臣者咸謂
其嚴卒不為動歲饑近邑流民紛集城下躬出撫輯捐俸
倡寮屬出米食之濟活彌衆倡家乘機買貧民幼女習教
舞稔歲父母倍直求贖不得文衡聞之惻焉下令不予贖

者罪之凡歸五百餘人奏減各郡驛馬千二百匹遞運所
夫七百餘人以鈔民力未卒前數日猶力疾草奏言都司
官係一道武臣儀表不可濫授今都司官犯贓率循例罰
後復職武人徼幸不知戒儆反為得計作過愈甚乞自今
如係軍功陞者但犯贓罰後復其職發守邊總兵帶管
操備調聽如非軍功係保舉陞者犯贓罰後降復原職
庶幾有以警肅下人從之所至處同官如兄弟未嘗有間
言冰檠之操始終一致春秋四十有七而卒卒之日湖湘
之人如喪所親中外縉紳君子皆有喪良憲臣之歎元娶
楊氏贈孺人繼室李氏封孺人子男一雲翱女二銘曰

羅氏之初繇撫來吉官于黌序詩書代述學錄五葉迨景
泰甫載自古陽來止淮土植善累仁所被既多二子續奮
舒英振華起家賢科桓、者仲履貞執義廉莊簡重薦其
衣冠肇跡烏臺正色北面直道不回明法慎罰夙夜惟敬
欽恤之仁敢忘

帝命鞠躬小心厥績彌彰升董外憲厥施式弘民有蠶蠹
以獮以雉民淪彫瘁以衣以食抑陰扶陽爰建紀綱芒、
荆湘惠沅泮、天之生才凡以濟世曷畀之才而年弗畀
嗚呼文衡未半百齡其不忘者不在茲銘

故嘉議大夫陝西按察使何公墓表

薛瑄

何公諱自學字思學其先閩人遠祖諱瓊者仕五季之周
為尚書僕射瓊子輝為屯田郎中始家金谿今為金谿人
公曾大父諱伯啟大父諱宗哲父諱秉煥號綠水翁比三
姦皆脩己行義晦迹弗耀綠水翁娶曾氏有婦德生二子
長即公也公資性夙敏舉止異凡兒綠水翁知其必有立
八歲即遣從鄉先生游讀書數遍輒不忘江西按察司僉
事行部至金谿選鄉學子弟可充增廣員者得公大喜即
拔登邑庠時年十五矣公遂從孟司訓授書經益肆力於

學比弱冠已自習熟諸書在所謂舉業者綽有餘力間為
 古文詩章尤渾厚清新有作者步驟公試鄉舉一往印中
 前列登宣德丁未進士第初任刑部河南司主事公以謂
 賁之象曰明庶政無敢折獄故折獄於庶政為大於是早
 夜以中正明達自勵盡心獄事時稱明允如辨寃獄曰能
 等事責俱入史館編錄值朝廷刑官之能者分理天下滯
 獄公首被推擇得聞浙公既奉江勅以往雖山郡海邑惡
 瘴狂颶有所不憚必親至其地為疏理其繫囚二藩既大
 以遠人得昭雪而蒙其惠者甚衆公竣事還未至而以馳
 聲京師適歷官三載例得推恩編水翁封如公之職曾封氏

安人公復上章乞歸省詔許之且賜以楮幣公并以所得
息賜白金之類悉歸奉二親一慶不入私室一時之榮慶
孝義動於里閭正統三年公為廷臣推舉陞廣西按察金
事其地乃嶺表百越溪洞犛獠不時竊發剽攻甚則獮之
以兵雖得少靖而民以病於餉運公於所分巡地必大示
威信犛獠雖蠻性亦知畏服因得減征紓之擾其編民亦
雜夷獠不通道理每構訟輒為講張詎不可寃詰動引百
十人連歲不已嘗偕奉 勅即審錄所部繫囚其勤慎如
在閩浙時夷獠積年久滯之獄咸得伸理既而丁綠水翁
憂營葬一如古禮復廬居墓次者三年釋服調除山西按

察貪事其憲體益謹而尤能興學以教人表廉以厲貪時
 大同方宿重兵以防控荒外利害繫於守時公常巡部至
 其府作書勸其守將當協和共事者以濟邊功後來事多
 如公所料人服其先識未幾復丁曾安人憂歸家山西巡
 撫及三司連章以謂山西邊事方殷古有金革變禮之制
 宜奪情何某以任事詔從所請公復官未逾月詔陞陝西
 按察使公既屢更法司事任益詳聞於大體洞達其細微
 及長外臬司凡端澄聽折表拔刮剔之政以次行之令脩
 於庭戶風行於方岳事方就績竟以暴疾卒時景泰三年
 正月二日也享年五十有六矣公初室李氏繼室徐氏封

安人俱先逝令室楊氏子男二曰步勳步恩女一人皆徐
出也孫男二曰源曰溶公在陝西不以家自隨既卒公之
子步勳自金谿來奔喪即奉公柩歸以是年十二月某日
葬於其邑之某原明年為景泰四年七月步勳以吏科給
事王君所述公事狀來南京謁余求表其墓余猶記往年
公過余河汾出二書其一即勸邊將協和共事者其一與
冢宰論進退賢否之法甚備公又語余曾為執政者言當
起退休老成者某等用於乎使此三事得行於時其有補
於世亦豈小哉且公自為學歷官舉職忠孝大節灼灼著
於當時者固人所共知至於與余所論三事又其所蘊而

人未知者余既述狀之所載并附余之所知表於隧道之
石俾後之人知公之已試者既如彼而未用者尚未可量
也

浙江圖書館

周孔明傳

周鑑字孔明正統乙丑進士選授監察御史出按江西有
大學士陳循子所為不法鑑按置大辟還其園奪田廬子
女若干陳切齒伺以中之無所得風部遷雲南按察司副
使終陳在政府九年不遷鑑所至汰墨理枉仍開寶泉壩
積水溉田多至數萬頃後以通考過家行江中風覆其舟
僕有周濟者緣木從傍出斧舟得鑑尚端立無恙所賫俸
金僅二百澣衣數襲貯革囊中驛吏自水底釣以還鑑鑰
識如故衆驚以為神尋陞山東按察使乞歸與布政李正
芳僉事董應軫相友善三人者有雅望縣為建耆老堂于

治有大政及事疑而不決者必咨而後行之



浙江圖書館

浙江等處提刑按察司按察使豐城楊公墓誌銘

四明楊守陳撰

楊璫

天順初英廟復辟時廣西道監察御史楊公印馬于畿內
民群訴太監吉祥忠國公石亨奪其田若干頃公具以聞
併言其怙寵擅權之罪詔稱公敢言稱職命吏部記之蓋
將以大任也既而還京慧字連見祥亨二凶日益張十三
道御史謀劾之有私泄於亨者亨無祥與合謀上譖暨彈
章入上震怒召諸御史詣文華殿俾誦彈章而歷詰之某
道御史周斌與公輩且誦且對歷陳二凶罪狀明甚然天
意入先譖莫能回悉下錦衣衛獄逼公誣引大臣刑甚慘

酷數瀕死卒無一語他及有司文致坐公死而十三道長
皆生成餘多坐貶奏上矣會京城大風電拔木壞屋走正
陽門下馬碑於郊外於是獄皆從減死者成成者貶貶者
復而公獻成遼東之鐵嶺道遇赦還或謂公宜詣二凶謝
庶免後禍公不可復詣成廣西之南丹居五歲二凶相繼
以逆誅公被特旨還里居今上嗣位以言官奏復公舊官
改陝西道尋陞浙江按察副使居父憂起復舊治巡海後
陞按察使卒于官自古亂臣逆黨必先淫刑重法以箝群
衆之口而懾服其心俾莫敢不從然後得逞其志此二凶
所以必欲寘公死也既而公幸生全二凶卒皆誅滅而公

迺復于位由天子之明足以別忠邪智勇足以定禍亂故也公姓楊諱瑄字廷獻南昌豐城縣人其始祖曰王君權唐季相南平王累官金紫光祿大夫居南昌之武寧傳十有五葉至公會祖回仲猶王姓國初徙豐城占籍始訛為楊蓋其方言王楊無異音故也公祖名高不仕父子榮以鄉舉累官蜀府左長史母周氏公以甲戌進士為御史僅兩暮而罹二凶之禍再起為御史歲餘遂副憲于浙杭州衛指揮陳鼎父子肆凶惠海寧民管箠沈琦工詆誣皆莫敢孰何公悉寘之法屬府造上供紙歲若干萬工估價每張銀一兩公計量纖悉減十之歲省銀若干萬兩民德之

其巡海道以軍官多放戍卒嚴禁之立五日一操點之法
以邊餉太糲而屢空為革勢豪攬糧之弊奏增一通判專
理以武臣多不學無識為葺學延師教其子弟九城隍墩
暎解署舸艦甲兵皆以次繕葺之無遺餘加及定海之城
北捍海塘縣西走馬堤霏衢所之裏外海塘健跳所之海
塘海鹽縣之大海塘皆脩築之以奠邑屋以興民利而海
鹽塘踰二千三百丈工尤鉅禦患尤大非公莫能為也在
杭州以按察司卑隘逼塞迺撤舊宇改創數百楹窮鉅帑
麗闕其前衢廓然四達以西湖舊深廣能溉諸邑田至十
六萬頃堙過半奏請浚深之如舊防於湧金門北闢水門

放湖流入城河出清河圍桓海寧黃灣以溉十六萬頃田
復於畏吾寺前後建三橋以通水門俾小舟常入湖取淤
泥以濬深可久不堙功雖未就慮則深遠矣公巡海數歲
波恬烽息成化丁酉春忽報倭艇數百犯邊公時在杭寮
寮驚問公徐曰彼果來犯吾將盡誅之乃出巡至寧波府
衛已戒嚴守令呼民壯授甲林立矣公謂曰海上甲兵自
足內地不須虞安用民壯令農事方殷亟散之至定海數
日迺知倭僅兩艇入貢耳於是皆服公之智量其為按察
使以憲度久弛力振之嚴門禁察吏奸斷訟明敏無留獄
禁官署無桑蚕以爭民利諸婦女毋入寺觀以隳風俗甫

半載而病病亟寮案往問尚與論築海塘之法浚西湖之
利魚片言及私成化戊戌七月朔日卒年終五十有四耳
公䟽棄有志節喜建功業而才足勝之視天下事無不可
為者然賦命不永而止此無不惜之公娶計氏封孺人生
三男長源縣學生次淮次澗側生一男澮竄少十以某年
月日葬某山原以余與公有雅持憲副胡君榮狀請銘余
讀狀至天順間二凶事為之慟哭流涕不能已豈獨為公
悲也哉嗚呼正統之末社稷非景帝莫可保而一時竭忠
殫勞者皆可謂社稷臣也二凶于是時亦受恩不貲富貴
極矣而忠勞蔑如逮景泰永所謂惠懷無親者矣天下非

英廟其誰歸而二凶者貪天之功并髦景帝魚肉其社稷
之臣殆盡此余所謂慟哭流涕而不能已也嗚呼二凶是
舉豈直要功以固位而已哉蓋以圖改土之兆也於是勢
焰炙天孰敢一睨眦之而公露章顯斥濱死而不易辭可
謂黨之臣矣曾不數年而二凶者身刑家戮遺臭無糧而
公乃高涉令終流譽千載豈直薰蕕之辨而已哉嗚呼使
二凶不自作孽則國家蒙無而其富貴延及于來胤未已
公非以忠讜著則雖有他表見豈能若今之焯焯後世決
不可泯哉是亦足為萬世之至戒至勸矣余脩國史既嘗
書之然春秋之法辭之重言之複必有大美惡焉故因源

請重書之併及其薰業之著者其他文與行皆畧之銘曰
人與萬物生天地中惟厥性貴不與物同父子之仁君臣
之義足維綱常允不可離有或離之以肆厥欲宜兩其趨
宜四其足策名委質以服事人有死無貳是名曰臣烈烈
揚公事我明辟豸冠繡衣寔有言責視視彼跋扈害國殃
民忍不能默飛章奏陳彼曰鴟張志將改玉凶焰炙天莫
或敢觸公草白簡以率其僿歷數彼惡願肆諸朝天威之
嚴國典之極濱死不渝厥心惟赤為國之故以忘其身是
曰忠謹庶幾成臣瀕死而生入幽而顯帝心孔昭天道不
遠公有巨才亦有嘉行有學有文有繁厥詠我皆畧之不

書于石獨揚一忠以厲百辟華嵩可夷滄渤可湮惟忠謹
臣億載不泯

浙江圖書館



浙江圖書館

通議大夫雲南按察使劉公墓表

何喬新

成化十有四年春雲南按察使劉公伏和帥其屬入

覲懇求謝事吏部以聞 憲宗皇帝特允其請公歸徜徉

林泉者七年以疾卒於家享年六十有四時二十一年五

月廿有四日也其子縝等以是年九月庚午葬公於邑黃

土尾之原依先壠也葬後五年公之子絢會試來京詣予

拜且泣曰知先君之行 且實者莫先生若乞為文表諸

墓嗚呼公寔忠愍公之仲子惟忠愍公於先冢宰同領鄉

薦而公又與予同舉於鄉同登進士第世契之厚非它人

比誼不可辭迺為叙次其事俾刻之墓上公諱鈺仗和其
字也其先本長沙定王之裔王之子蒼別封安城侯安城
即今吉之安福也至其孫壽光以罪國除因家於是之茨
溪祚胤蕃衍歷唐及宋以至於元代有顯者曾祖諱子定
別號新齋始自茨溪徙家邑之葛溪祖諱伯文別號文園
贈禮部儀制司主事考諱球由進士累官翰林院侍講上
疏牾權奸歿于制獄贈翰林院學士謚忠愍母鄧氏累贈
太宜人公自幼穎敏過人忠愍躬教之時姚文敏公學於
忠愍公之門公與之上下議論文敏每歎服之稍長從學
於禮部侍郎李公克述學益大進會忠愍以忠諫受禍公

哀痛毀瘠幾不能生服闋讀書養母無復仕進意 景皇

帝即位臺諫言忠愍之寃 詔贈官賜謚且祀於郡之忠

節祠刑部侍郎楊公彦謚巡撫江西召公語之曰而翁忠

節已獲昭雪子可以仕矣公乃赴江右省試以春秋魁多

士登甲戌進士第改翰林庶吉士預脩寰宇通志書成賜

楮幣文綺擢廣東道監察御史未幾出巡福建畿郡遼東

於時同官者務擊搏以峙聲威公獨慎憲度理寃獄察吏

治巡歷所至訪民利病而興除之不求赫赫名人皆以為

得憲體真定有婺婦不安其室其族長耻之合群 毆殺

之有司坐以謀殺當死者七人公曰此羞惡之心所發也

何可深罪且以上請遂皆免死福建都指揮僉事錢輅
與其長劉姓者有隙劉審白鎮守中官誣以罪乘夜以兵
圍其第輅覺而逃中官遽以輅反聞廷議遣官會公覈
其事輅亦詣公自首公具奏輅惧罪而逃非反也輅得釋
每語人曰微劉御史吾族夷矣汀州豪民欲奪隣之墳地
以葬其親鄰不與豪怒言於朝云其地當出帝主英
宗遣中貴人會公驗之公曰七閩遐且僻寧有帝王地邪
寘妄言者以法既還臺同官以私忿欲劾大臣具誣以圍
門之私以章示公公曰言事當顧大體柰何以賤昧之事
汙蟻大臣其人慚而削之天順甲申陞浙江按察司副使

奉璽書提督學校公至則明教條嚴考校進茂良黜惰窳
繇是兩浙文風丕振擢倫魁登臚仕者彬彬焉成化辛卯
遷按察使或疑公優於文學法律非所長及見公廳詞決
獄曲當其情乃大服尋丁太宜人憂去服闋改雲南按察使
雲南荒服之地外與哀牢交趾接公因俗為治寬其禁令
馴以息信蠻獫畏而懷之及公歸群夷皆大息曰是善撫
我者速何去耶公娶伍氏封宜人子男三縝舉進士為南
京禮部主事徵以餉邊功授承事郎絢鄉貢進士女二適
袁州醫學正術毆陽淮次適廬陵庠生曾洪孫男七祚祺
禧祠禔禧祿公性孝友忠愨公歿事太宜人以孝稱與兄

參政仗德友愛尤篤接人一以誠意而世所謂機變之巧
若無聞者居官盡其職分所當為未嘗銜能矜名以求人
知而當道亦無能知之者故其官止於此昔司馬溫公論
才德之辨以謂聰察強毅之謂才正直中和之謂德且謂
察者多蔽於才而遺於德若公非所謂正直中和者邪然
官止三品而未極其用抑察者有所遺邪雖然諸子翼々
諸孫蟄々天之報公庶幾在此而無斁予故表諸其墓以
為樹德者之式云

李朝用傳

李璽字朝用耒陽人登宣德庚戌進士授監察御史巡按
浙江江西陝西四川卓有能聲陞浙江叅政正統己巳閩
剽寇作璽提民兵分守三衢勦賊賜

勅獎諭繼勦安吉強賊賜綵帛復同兵部孫侍郎原貞戮
力攻寇賜寶鏑未幾陞雲南按察使璽至滇一新憲度值
歲大饑疏議賑恤民賴以活考居最時鎮守太監羅紀總
戎沐璘奏留一十三年遂以疾辭歸去後滇人立廟以祀
之

孝宗即位推恩特進一級卒年五十有九賜葬祭

浙江圖書館



浙江圖書館

雲南按察使進階中奉大夫張公墓誌銘

王鏊

雲南按察司按察使張公諱翥字汝振葦為蘇之長洲人
曾祖諱進淞江諸暨知縣祖諱滄國初以人才徵未用
卒考諱樞贈奉政大夫南京刑部郎中妣陸氏封太宜人
公登天順丁丑進士授工部都水司主事改虞衡司又改
南京刑部山東司歷員外郎郎中出知江西南昌府進河
南布政司治叅政雲南按察使致仕以子約貴進階正義
大夫勲資治尹今上登極以詔恩進中奉大夫正德丙
寅冬十月二十九日卒於家春秋七十有七明年五月己

未葬邑之金芝嶺配吳氏累封淑人子男二長約工部營
 繕司郎中次蒙貞女三婚為南京太常寺典簿郭忱鄉貢
 進士顏林府學生傳義孫男女各四公清慎守法矚然若
 不自持而見義卓然不惑始至南昌即理冤獄出之民大
 悅高安有毛姓姦暴於鄉縱火殺人亡命吏不敢問公發
 之竟置重典民又大悚有中貴乘傳搜括民間竒玩勢張
 其郡縣望風迎拜且以鹽柳配於民而以庫銀給之至南
 昌公曰民吾民也庫 朝廷之庫也誰敢干之吾將以聞
 於 上中貴見公不可奪乃稍自戢時所至民被其擾獨
 南昌晏然雲南諸夷爭襲賄賂公行公一切禁絕年甫六

十以母老懼乞致仕以歸公天性簡儉家故富且貴矣而
自奉有人所不能堪歸吳掃軌閉門客至則清話終日淡
如也居官所至能舉其職而南昌之政尤偉故予特詳焉
銘曰

張公竭竭所至則彞昔在南昌或獮而猖肆螫吾民乃以
身當位方日融倏解而旋有子而才有孫有年寵秩有加
亦又何嗟

浙江圖書館



浙江圖書館

廣東尋處提刑按察司按察使吳江趙公墓誌銘

寬

長洲王鏊撰

成化辛丑春禮部會試天下士吳江趙公栗夫名在第一
刻其程文傳播中外名聲大起時年甫二十餘尋登進士
上第授刑部主事歷員外郎郎中瀾江按察司副使蒞任
甫越月卒年四十有九君諱寬栗夫字生而白晢纖弱若
不勝衣而警敏絕人自少讀書五行俱下其于舉業殊不
經意下筆即超邁老筆皆推服之及有官益肆力學問自
經史以及諸子百家無不淹貫為文雄渾秀整行草亦清
潤時刑曹同官華亭陳一夔崑山秦廷贊天台王存敬皆

能詩四人相得驩甚更相倡和時吳文定公在翰林良辰
佳節四人輒相過從予時亦往來公所多相賡和君才充
贍下筆數百言衆皆驚其捷服其工吏事初非所長在刑
曹久律例通究曉析訟至立解獄無寃滯及董潮江學政
能推所學以愛其習士無諛聞狹見之陋凡經指授為文
皆有程度不以權勢動搖有所輕輕高下遇人坦率不事
表襮人以是愛而重之曾祖諱銘黃巖典史祖諱瑛湖州
梅溪局大使考賜累封刑部郎中母沈氏封宜人梅溪善
星數君之幼也以為必貴特愛之南京國子學正莫君奇
之婦以其女子男二禧邑庠生餘幼禧卜以正德元年癸

君於吳橫山靈石峯之麓莫宜人祔銘曰
孔翠祥鷓其文既騫麒麟服轅中道忽踈始誰戲之卒誰
尾之已乎粟夫愛莫起之

浙江圖書館

卷之三

珠璣錄



浙江圖書館

明故嘉議大夫河南等處提刑按察司按察使致

仕李公墓志銘

王九思

李氏鳳翔文昌里人也其曾祖寬祖義父曰李安安配劉氏生三男子公其季子也諱璽字朝信幼醇不戲在群兒中蘄然頭角里中老共竒之以為可讀書父曰家世為農不識毛錐子恐無分何益尋遣受讀里學究即日記千言十二能文章學究懼謝不敢當師乃改師而受毛詩茹先生所十六為郡庠弟子員二十舉成化甲午鄉試第一茹先生者亦鳳翔人以毛詩魁于鄉蓋嘗語人曰李生可進

士第筆勢非我敵也。然屢試弗第，于是讀書城北僧舍，蓋自炊食者數年。乃舉弘治丙辰進士。予幸同舉，然長予十年以上。敦德老學，願接引予甚愛。予敬重，不敢稱兄。稱曰先生尊禮之進士。授荊州府推官，決獄平無冤。又捕巨盜數百，郡中稱之。當道交章論薦，起為雲南道監察御史。嘗出按河南、山東，後按直隸諸郡縣。會劉瑾用，事事多掣肘。公一切任法，不忌諱，無所假貸，獨立不附。由此忤瑾，摘瑕指類，逮公。錦衣衛獄踰月，出左遷鄧州判官。踰半歲，又降貴州平溪驛丞。杜平溪一年，乃陞襄陽知縣。復超拜兵部武庫清吏司員外郎，主教武學。一時勲貴子弟，仰德服量。

俛首傾心靡然嚮化矣居無幾復起拜河南按察司副使
折獄聽政務持大體不苛察細故為明會大旱傷禾禾且
枯萎死民用是戚公授有司法教民制車車水灌禾竟以
有羊在河南六年而正德乙亥會有疾病奏書乞歸田里
天子察其廉直令近于古晉秩按察使許歸既歸五年而已
邠九月初六日乃病弗起距生景泰癸酉二月十九日壽
享六十七歲其明年庚辰十二月二十五日葬城南七里
河之原予少時已聞公為人公為人厚外樸中通交接無
貴賤咸恭有禮與人語吐實不欺不言人過雖御酒醉酣
或從旁誥之言輒一大笑止終不言孝友仁讓不言而躬

行類萬石君雖吶然親愛者愈益衆門外多長者車輒古
云桃李不言下自成蹊豈非然邪公自起家至按察使家
徒四壁立朝夕餬口無餘貲為子孫地親戚故舊率以為
言公曰然吾非不慮顧貧柰何為御史時邛舍瀕水迺種
樹曰當屋種蔬當肉種葦當竹結茅其中日與鄉士觴咏
甚樂也赴襄陽過洞庭羣盜操刃入舟既見魚何有相與
嗟歎羅拜以斛米饋謝魚狀公笑遣去北屬纒僅能具棺
殮予家去鳳翔三百里所屢期會晤公不果孰意其至此
悲夫其為御史滿三載詔贈其父文林郎雲南道監察御
史其母孺人配石氏封孺人孺生人五男子長年次申常

俱府學生申先卒壬午俱業進士女子二人長未聘卒次
適生員王朝忠孫男子二僑備女子十俱幼銘曰
李出文昌在躬稼穡廉訪挺生克岐克嶷弱冠顯名四十
強仕憲臺烈々中遭顛躓既閤復章荐陟華要歸田蒙渥
天子有詔巖石孔樂倏爾其頌遺芬萬世我銘諡

浙江

圖

浙江圖書館



浙江圖書館

按察使毅軒羅公墓志銘

嘉靖庚戌冬十有一月壬寅毅軒羅公卒於西園里第其
主成化壬辰某月某甲子享年七十有九公年華三十始
入仕仕十餘年年終四十有六輒引疾侍親罔徜徉溪山
登高眺遠或默坐觀書吟咏自適也晚歲獨處一室常杜
門謝囂即妻子希見其面故聞者疑其有呼吸導引之術
而果以壽終然公廉靜寡慾自足以含和葆貞術非其所
屑事者也公時葬其子璫孫儋奉狀謁予曰玄堂之石當
有辭而先人不朽者其將在茲敢徼大惠嗚呼公之德聞
於四方一時名公碩儒若石滌楊公一清松臯許公讚角

川張公邦奇咸稱公清嚴絕倍斐然成章陽明王公守仁
 興師討賊以忠義薦吏部書公考覆公乞休疏有廉潔嚴
 明之獎兩被制辭有抱忠思孝勇退玄脩之褒無問識
 不識皆以為不過其情豈賴區區者為不朽耶雖然孝子
 之情不容辭也按羅氏先世居豫章宋紹興間有王簿秦
 和者留家缺賦數傳徙今西岡公諱某字某黟縣訓導贈
 南京吏部右侍郎諱某其祖南京國子助教累封南京吏
 部右侍郎栗齋翁諱某其父贈淑人曾氏其母吏部尚書
 贈太子大保謚文莊諱某其兄都察院左副都御史諱某
 其弟舉進士第二人及第翰林編修理其子也公自幼秀

葵穎悟年十四五隨粟齋翁宦邸父子兄弟自相講習弘
治乙卯與都憲公同領江西鄉薦公名第七己未同登進
士高第於時文莊官翰林三羅之名隱隱動兩京公卿大
夫咸欲識其為人而公靜居簡出至有欲見而固辭者當
途疑其驕倨乃故抑其選除兩浙都轉運使司副使至則
祛宿蠹革沿習之非要主於不為貨疚居久之遣妻子歸
養官舍蕭然若禪院正德初中官鎮浙者恣甚索部吏金
動盈百獨未嘗向公啟齒勢豪冒鹽禁莫之何問聞公被
委掣盤急鑿其艘沉之見嚴如此於是聲聞四起而抑公
者猶在位故久不調己巳陞四川司員外郎尋轉福建司

郎中辛未遷浙江布政司左叅議盜起饒撫閭逼常山開

化公與分巡僉事提兵竟上整飭調度先聲大振賊不敢

近祭酉秋入賀 萬壽節取便歸省遂欲留養明年春會

當述職期吏部奉 詔舉藩臬大吏堪旌擢者得十有六

人公與焉 賜羊酒絳幣尋陞按察司副使奉 璽書巡

海道鎮巡官移檄敦促乃復往至則簡帥練士除器督餉凡

飭弛剔蠹俱有法凜々弗可犯既而請寬海船之禁議闕

學海道以育我家子使知禮義人用是知公藹然愷悌非

儻數少息者是冬上疏乞骸不許丁丑入 覲歸即移書

巡按御史稱疾卧家情詞甚切御史以 聞詔許暫致其

事令有司時其疾愈奏請召用蓋異數也嘉靖丙戌

璽書印家拜湖廣靖州整飭兵備按察副使移疾未行陞
貴州按察使復堅卧懇請 朝廷知不可強遂從其志家

居三十年謝絕造請惟都憲公疾亟始一入城然不以冠
服隨視疾臨喪後境不見縣令而還公天性孝友栗齋翁
或不悅輒長跽引罪色霽乃已自浙得請埽旦暮侍几杖
慰悅百方依々若孺子如是者七年翁隻字片紙寶之不
啻拱璧微言細行札記靡遺微是時魯淑人嘗為製布履
既貴猶篋藏之提覽輒推痛不勝臨終命納諸棺以殉昆
弟間勸德規過勢利未嘗掛口聞奔競及陵轢人者則喟

然大息因以戒其子孫且曰遺爾以安勿貽後悔努力問
學無忝所生此吾志也初號毅軒既又號介石居士浮漚
道人所著有浮漚襍續卓若干卷關中瑣錄二卷公資性
近猶然讀其詩文酬答知遇禮際親故詞旨溫然不見其
軒絕塵異離人而拂俗者念養羅子洪先昭公詩云迹同
康節少遊日道比希夷非引年人以為善狀公而公指示
其孫曰此不類我其自贊有似仙非仙似佛非佛之語殊
莫測其意為子男二長即編脩程先卒儋其子承重者也
次即璫女一適楊泰孫男五長調次即儋次侃次備次供
個儋孀生女二曾孫女一公墓在三十都桃園文家塚首

未趾丑元配封淑人康氏先卒葬後山蕭八坑至是啟而
合為禮也葬之日壬子某月某日銘曰

矯矯毅軒獨介近仁彼巧且令我拙無能靜居簡出匪曰
成名無渝吾質以賊吾真孰謂康節孰謂希夷仙耶佛耶
我似而非仙惡乎非佛惡乎似斯人同群奚覩其異異若
所趨趨若所避昌違昌從自求其是魚然涼涼無熙蹢蹢
嗟爾寔人魚以為刺勇退玄脩孝思忠抱 天語皇皇

世有耀

浙

浙江



浙江圖書館

明故嘉議大夫貴州按察司按察使恒齋先生朱

公墓表

許宗魯

貴州按察使恒齋先生朱公既歿而葬越廿六年矣其子
西安同知光霽謂公履行銘志掩覆在幽世無考徵俾魯
表之昌昭遐裔魯乃櫛狀品詮列其顯行為之表曰朱公
名璣字文瑞永平灤州人也初其祖謫戍蒙化公乃寓生
穎秀絕類孝友鮮儷乃以文行升之學官繼乃掄薦於鄉
賜第於廷滇服之南文風丕倡厥望熈振為岳為星筮仕
棘寺持衡罔頤臺部之獄低昂就律金曰平哉民以魚寃
矣爰金貴臬持憲斬斬詰戎井井霜嚴日明風清弊絕迺

晉副梟饒兵遐徼威震蛇豕惠覃草木負固之區逋逸之
藪革心稽首罔不率從殺以生之厥惟仁哉勅緒望歸晉
叅藩政籌度弛張兵食咸足置郵傳命利涉大川皆其惠
也終陟長憲神明不爽衡鑑惟公聲教洋溢布於要荒推
首卉服之夫擁矛佩弧之俗舉奉王章不愆於度厥官懋
矣顧乃漸進方熾嘉遯惟貞釋其軒冕歸於丘園優游太
平終以沒世古稱哲人惟幾嗚呼允哉乃若秉心湛素誣
跡自白行已恬逸賄幣獨違進不戾乎官箴退有孚於士
論可謂完也已矣夫少有英譽表倡於鄉長有華聲表儀
於國未有貞風表範於是世斯三者皆公之所自表也人

謀奚與焉魯用述之表樹阡隧陵谷靡移公名無斁後有
作者惟公之式哉

浙江圖書館

卷之七

浙江



浙江圖書館

明故嘉議大夫山東按察使吳公墓誌銘

邵寶

公歸自山東之九年嘉靖壬午十二月某甲子卒于家先是二十日吾初遭太淑人之喪公亟來吊及予袒括時公尚無恙既而聞公病未幾訃至予哀病不能弔且懼虛不敢弔也又明年甲申八月望日其子輅軾等來告葬問其曰曰十二月甲寅也問其墓曰青山之原先人與公遊而指畫焉者也輅等治以命于是為營卜亦唯吉問銘曰公知先人輅是以告銘不與公又將為圖某曰然我固知公銘吾宜為之公諱學字遜之號海洲晚更夢鶴吳之先蓋

出延陵季子自公八姪祖萬一至曾祖得淵祖潛皆欽德
市隱父晟號古愚個儻有才畧以公貴封監察御史母
司馬氏贈孺人公生脩幹備儀器局不九十八遊邑庠
博覽群籍發為文章新息渙發載恭簡公為御史提學屢
加稱賞成化癸卯領應天鄉薦明年甲辰登進士第觀政
兵部授行人司行人若干年丁繼母陳孺人憂服闋簡擢
四川道監察御史清戎雲貴繼之河南巡按丁古愚翁憂
奔歸服闋例罷官再起補河南道辛未監殿試擢山東
按察副使兵備曹州以功加三品俸尋擢按察使二年乃
致其事云行人至河南大同使事外咨謀考覈得觀風體

峻却贈賄至不敢出在四川道承 詔偕東兵科進道彭
形部濟物會鞠雲南失檄事稱量情法衆服其斷雲貴我
籍文與公從容搜剔詳而不瑣辨而不刻約所得幾什伍
以上仍條上數事今著為 令於是 詔大臣舉朝官可
任按察使者公與焉還 朝以恩例進階文林郎 勅有
經術良才抗章獻納之褒兼掌貴州道事巡捕畿內盜賊
時當朝會道梗以夷河南 宗藩闕鎮怙挾害政一裁以
法首疏論買牡丹及差官勘地擾人傳之其諸激揚舉劾
尤得憲體時洛陽劉公在內閣釣陽馬公為司馬皆以鄉
人言稱之古愚之喪公以不及視歛哀慕依依服闋久未

行逆瑾謂踰制也勒家居久之瑾誅起補河南道風采如
 故曹州當南北畿及河南山東之衝霸州流賊奔突焚劫
 其勢方熾會黃陵岡三婦決於河水司空湯陰李公知公
 之才請 勅公兼理之凡山東河南及太名若干州縣皆
 受節制兵備兼治河自公始公畢精從事且募精壯虜伏
 邀擊斬若干人俘若干人招撫脅從者幾千人時婦功亦
 成總制軍務都御史陸公績於是乎有加俸公益為遠規
 創建教場立法訓練至今遵之山東當兵荒之餘獄多久
 擊辨証決滯不伺終日監祭胥鄉試力贊公道是冬朝正
 聞有怨家將假手以甘心焉者公即上疏請老 許之初

公之家居也養晦一室題曰松雲鶴逸至是歸乃構別墅
益為清勝又為菊花莊於近地極山林之樂蓋不知老之
將至也公頎然 朝著間旅行參立在在出人頭地議論
莫發驚動坐客或扣其蘊則自歷代史傳所載成敗之迹
外至當時之務若山經地志及神仙內養之術皆能究極
領要詩篇翰墨落筆健爽大書尤得晦翁筆法落 鄉里
間前後數十年事古愚翁曲為承順與弟間同居久而後
析於諸子均撫且教無嫡庶前後未第時門人以受經顯
者若侯德明朱顯卿吳起明陳元甫盛壽卿輩凡若干人
所有海洲稿若干卷藏於家公之卒距其生天順丁丑五

月二十七日享春秋六十有八配方氏 贈孺人先公三
十四年卒繼武進卞氏 封孺人男五人長時蚤世次即
輅太學生次冕示蚤世皆方孺人出次即軾側室王出初
為庠生後以例授蘇州衛千戶次輒卞孺人出功授錦衣
衛百戶女三歸李際鄧昇鄧金孫男三相保殤繼卯應卯
孫女亦三許嫁賈時亨華某茹霖方孺人先葬瀟涇今遷
祔焉狀出俞叅政國昌以予所知徵之皆信銘曰

九尺之軀公才允如公兮卿兮於公有餘長憲東臬而遂
歸歟蓋君子猶恨人望之虛也青山之原公斯是樂何以
銘公我懷逸鶴

明進士中奉大夫江西按察使貶菴周公墓誌

銘

林俊

正德甲戌元日之又四日貶廢公病且革命出欵服飾棺
授遺範既畢日就申坐而逝乙亥將葬其孤儉以諸孫宣
之狀請銘公諱軫字公載世為清江上廓周氏周故裕家
自香山處士樂施與傳累葉以基未有慶公季父鶴洲知
府諸兄轍主事宣復為御史郡乘文學者數人族父翠渠
布政其子大謨進士鄉聚文物一時周先焉公嗣祖則川
不祿父諱越亦不克年祖妣鄭妣王皆樹婦節鄭被有旌
典公植立孤筦中自異起鄉薦入國學以學行為司成特

知名遂重六館取會魁第進士為戶部主事得所想像屹
不可攀及被延接直訥解文而刻型老格樸根黷性情範
情儉訓俗於古而近之矣疵民經國運若無奇而弊隱以
去成化乙巳元日京師星隕有聲公上言誅元惡以快人
心減內臣以干朝政正朝廷以正百官罷進書以願養聖
躬親儒臣以論道經邦重科道以糾劾官邪杜僥倖以振
作士氣量進解以差檝船隻同時言者多取忤左官公獨
以質厚受容猶留滯滿秩始進即中時西北迎饑延及荆
蜀而南濟之無其策公合群僚白之長䟽借藩府奏乞場
蕩聽民取一年間有陳辯公執之堅纂脩憲宗實錄以

文學被選采輯在戶部者以進京師大水南京大風雷詔
詢時政闕失時侍郎劉公璋視篆收采群議公言天子
藏富於民皇亦有庄顧示以小非稱宜與民否亦宜革管
庄如例畝限三分責民入租有司解部以進劉公以為然
疏入留中公有山東運使之權齶鹵易漏與濼公循源塞
孔定為格歲旱奏蠲其半寧海場鹵縮奏損其引增永利
場足之改成譽起賢能之旌屢上進階與誥贈其祖若父
皆大中大夫山東運使祖妣皆淑人配陳封淑人公方
以老成負物望而年已踰六兩致其仕不報會致仕加職
例行再請始進嘉議大夫江西按察使今上嗣位又進

中奉大夫在林下者十有七年自持耿特終其身構族祠
 增祭田校定手著濫竽存稿為若干卷典則蒞永不隨俗
 氣格屏山為周葵所公葬淑人因營壽丘立歸全菴遊息
 為晚年體益重閉門養靜斷迹城府姻鄰殆莫窺其面予
 歸自蜀公特為予周旋語窮日未休記西曹以言及禍公
 與林公大猷廖公用中屢獨吾門及疏誅元惡與予指相
 和應平居道義之與澹如也非謂不為俞之態勢異有
 望者即公壽八十一二子一女七孫三曾孫碑詳焉嗚呼
 化局新淳源愈異吾又幸夫璞之未剖本之未定于耻菴
 及識焉銘曰

磅礪兮蜿蜓青松兮誰宅祖考兮玄堂繫形骸兮斯索海
嶼兮沙村匯一水兮誰門與魂兮偕來幔亭兮子孫月陰
兮為期我庄兮伊邇魂經兮來遊樹鱗兮石齒兮下上
兮四方兩雲兮相從離氛兮釋垢化雙鶴兮雲之中

浙江圖

浙江圖書館



浙江圖書館

周廷用傳

廖道南撰

周廷用字子賢華容人正德辛未進士初授宣城知縣克
樹政績拜監察御史出按貴州值香爨苗叛大司徒鄒忠
簡公時任巡撫同心懋烈事竣廷用撰碑紀之遷浙江按
察僉事與方伯東橋顧璘聯舟進表所學益闡遂轉四川
副使兵備忠達諸州川中大旱繼以芒部夷叛御史漢陽
戴全委督軍務奏膚有功更署學政著緒論三十篇以戒
諭諸學者文多近古陟江西按察使入覲夜分讀書不缺
而俗吏多媒蘖之褫秩歸卒所著有八卷文集子槐領癸
卯鄉薦廷用嘗作賦三十餘篇其述征賦曰 帝嘉靖之

紀元兮躋泰運之休明闢三台以正天位兮耀紫微之列
 星肅王朝而舉嘉禮兮迺登降兮皇英惟藩省之臣工兮
 遙致辭而會慶余以耿耿之微躬兮遂祇役而應命懼程
 期之日迫兮羞匍匐而出境渡浙水之浩浩兮擊碧汰而
 容與經吳子之故墟兮聊揮霍以延佇聽舟楫於昏門兮
 陟虎丘之古寺眺長洲之舊苑覽朝夕之荒池歷層岡
 以周章兮宛虹橋之陸離闕金帟於丘墓兮識閶闔之幽
 祠心迢遞以解纜兮指毘陵而北征偉嬴秦之刻石兮辭
 焜耀於蘇亭憫劉宋之君臣兮惟靡靡而尚詞日馳騁而
 泄泄兮播金焦之麗詩度潤州之曠莽兮瞻茆山之崔嵬

慕隱君之玄墨兮親瘞鶴而銘之過維揚之古郡兮弔董
子於江都愾王孫之不過兮乞漂母之糜鋪怨隋煬之失
御兮日湛樂而偷隋國事去而不寤兮本根變而自胜居
天位而永享兮政事委於不暇張錦帆於畫艦兮歲巡行
而遠遊嬖色以益醜兮大寶棄而莫收始侈代於高麗
兮民心由此遂離終鹿失於淫荒兮肇李唐之昌期越淮
徐而長濟兮度芒碭之高山想四序之真人兮歛興王於
沛間蕭曹輔於草昧兮英雄感而來集賴子房之智謀兮
庶幾風雲之攸會天欲治而不偶兮聖與賢而並立暴虐
殿於末季兮寔昌運之當及陳平叔其奇計兮竟脫君於

席口彼韓信之國士兮奮勇力之趙、困項羽於垓下兮
佩玉印之如斗何功成而身斃兮視灌絳而反後夫辭榮
而汎江湖者固蠶之高也委身而潤錫鏤者亦種之所遭
也以夫子之大勲兮當百世而建侯何此理之不然兮空
萬古而見尤念立國之有基兮斯垂統之至計慨大風之
一歌兮非世之遠濟呂雉繼而擅柄兮產祿汰而專兵兵
苟無王陵與勃兮火德幾於弗震軼乘榆之放邑兮跨齊
邦而凌厲悵管兵與孟諸兮悲燕鳩之遠世臨魯國之春
山兮遂翹想乎清都緬靈嶽之崇隆兮奉高逼乎太虛眺
峩峩之于霄兮雲霞鬱而晦宴華英爛以灼燁兮沸醴泉

之冷冷聽鷄鳴於日觀兮覽東蒙之曉晴欲徑庭而升宵
冥兮悲虛廓之難忱登封七十二帝兮意軒皇之獨靈何
秦漢之紛紛兮遠曠代之章程轉旌旆之翩翩兮涉滄海
之潛深揚天網之盪滴兮壯孤矢之初心冀一舉而揚千
里兮乘颶風之駸兮苦經危而履險兮哀時命之不興沂
天津之洶湧兮極莽曠於平臯漂芬陰之變兮天閱閭
而孤高望燕山而入雲中兮維四塞之鬱盤赴帝畿而戾
止兮心緒繡而歎歡於是舍航而傲行李兮扶衡軫而趨
都門戒僕夫以從容兮隨所止而回轅弔古今之盛衰兮
心營人而失魂既慷慨以發歎兮復清淒以自言睇金臺

之蕪沒兮知燕昭之已非
羗胡虜之亂華兮蝕太清

圓篤 聖祖之龍興兮躋嗣王之遷國
近藩衛乎江海兮

遠襟帶兮巒貊埒虎豹而控咽喉乎
曾何忘乎危懼信磐

石而奠安兮將秭億而永裕亂曰
雲潛露蟄達人耳兮遵

守故志士慚兮乘桴浮海孔所歎兮
出關適國老所安兮

大人之德俟天命兮時之去留何所
病兮遠遊浮寄曷恐

懼兮迪德明隨所寓兮

史南曰 臣 觀東橋顧璘國寶編曰子
賢才稟超融文鋒迅

湧博涉強記培滋詞本故援筆長賦
爛然成章氣倜儻豪

岍不宜于俗獨下意名品為御史言
事多觸時忌及為監

司每不善遷合失權近意或放口論諸人淺深略不旁顧
每勸之曰阮嗣宗不言人短長嵇叔夜服其遠害幸吾子
加意然卒蹈之乃其天性剴直不固一德也贊曰按察
人豪濶視放言揮斥塵濁吐握仁賢文藻性成早垂鉅篇
吏才斯詘德譽長延

浙江圖

浙江



浙江圖書館

明嘉議大夫湖廣提刑按察司按察使弟叔嗣行

狀

高仲嗣

維我高之先蓋洧川人云初我祖義當洪武初義乃徙處
祥符中遂為祥符人云義生清清生謹謹生我父珣珣乃以
生我兄弟伯嗣仲嗣叔嗣云叔嗣字子業初叔嗣之生也
母甄乃夢人擊門大呼高車者三乃母甄驚謂父曰妾謂
將產矣厥夢若此妾殊震焉而天子以為兆如何也父笑
曰此吉祥也已而生吾弟云蓋叔嗣弱而穎特我父乃私
心獨喜是年携之官當是時我兄弟各無恙而相者獨奇
吾弟有匿犀因熟視予父曰君第三子貴當不可言願先

生無以常兒畜之也生五年而父僚因以詩書教之乃隨
聲響答而父僚乃大驚謂我父曰君兒果奇曩相者果非
欺先生其後遂購求奇書乃日誦數千言生十六年著申
情賦一首幾萬言當是時我乃與弟從鳴臯君游而鳴臯
君遂因杯酒以其賦傳示諸公遂乃屈其座人蓋我大梁
中諸豪由是皆流歎以為弗如也是年秋試乃以文奇不
中式生十八年而文始中式云此正德己卯年也今皇帝
龍興而嘉靖癸未舉進士二甲十七名云當是時空同子
講學大梁墟中喟然嘆曰高其奚不為狀元耶高其才萬
人敵也始吾舉進士甲第亦與此人同然亦無如造物者

何也君始為工部營繕主事調吏部稽勲司調考功陞稽勲
員外郎即中乃論事頗與時人忤遂病歸歸三年起起仍
前官云久之又與時人忤陞山西布政司左叅政久之陞
湖廣按察使其在山西也仁恕明斷其巨者剖疑獄十二
事儒生粟應宏刊其事晉父兄咸稱其神明云及接于楚
楚五月而政平夏大水乃禱于山川諸神歸而病病終九
日卒楚父兄皆流淚泣始君應聘較文盡得當世知名士
其所著有高氏讀書園集彙欵集考功集晉陽題篇散不
及收者猶多由是著名海內其所交游皆當世之賢豪長
者事親孝事兄恭出入中外十餘年其遣家人問安時時

不絕家書必流淚封題常曰兒不得視膳左右予與吾弟
別蓋七寒暑書每至必曰兄眠食如何也吾流淚思君初
君之未絕也其書來言曰予生年未四十狀便如五六十
翁矣予髮短將半白矣書來未十日而聞其卒天乎天乎
天禍予兄弟果若此耶先是君送友人鄭入京固持其杯
歔然淚下霑衣鄭驚起謝曰公胡淚流之如此也而君乃
把其袖嗷歎出聲曰予無見公期矣由是諸僚皆驚皆以
君語為不祥語也嗚呼人間事胡不祥之有哉耶君號蘇
門山人語人曰吾慕孫登之為人也取表氏累封淑人子
不危聘胡氏不愚聘郭氏女長歸府學生王學可次字府

學生李宙次未字君生弘治辛酉十二月十四日卒嘉靖
丁酉六月十七日得年三十又七某年某月某日歸葬我
祥符鄭門原嗚呼予乃恐其行之泯滅而不得傳也於是
狀其事而頓首太史公門伏惟有以采而志之吁其不朽
已

浙江圖

浙江圖書館



浙江圖書館

嘉議大夫雲南提刑按察司按察使盧江張公墓

誌銘

王世貞

故雲南按察使張公以萬曆元年五月卒予時起家楚泉
哭公而後行其孤志魁等用十月癸公於邑西業圩阡又
踰月而予被召還里乃受邑人歸子之狀而來請誌銘曰
治命也夫張公少長於予一紀餘同鄉薦又十五年而同
予弟世懋成進士又十年而予忝浙省從公後知公者宜
莫若予安敢辭按狀公諱憲臣字欽伯其先晉陵人有贊
於崑山者遂家焉姦姦力田孝弟至公父府君洪有隱德
嘗之嘉定得遺金數餅為迂歸以俟匱金者授之金即馳

去一日輒輟耕壟上有相者過而指府君曰是夫當顯顯
乃以子故父君笑曰吾家世農安所取顯耶公時為兒從
傍聞之竊沾沾喜就里塾師吾伊不絕矣公業成為諸生
久次其成薦復偃寒南宮試者久之而能不以戚欣見貌
益砥節於學由進士謁選得南昌令人或虞公寬大不任
劇曰令可拜跪稿也且倖相地何以處之時南昌饒積贖
贖數倍他縣而黠吏歆以事嘗公則爭操贖緩急雜而進
之公第而行其急者而拉緩者地曰胡足溷乃公也後不
以序進立杖汝矣吏咸吐舌稱伏神明邑事大治近地時
中大盜公出循行鄉落見長老閭所苦人人自喜謂張公

全活我又清狴犴之宿稱寃者十餘即摯摯無以難也公
胡髯腹便便造請臺省諸公間亦不廢諸公日益賢重公
曰得數張令吾曹不安枕耶而有殿御史甚者勢張甚一
日顧公語縣羨金若干吾款有所餽謂倖相也公徐曰縣
無羨也御史怒謂南昌令不奉檄覽訊謀而稱無羨公前
謝曰此乃三殿工羨也縣不敢置他羨御史益怒詬詈不
絕公起自如御史以巡按滿彙綠監軍事再上疏有所推
薦不及公而公益以治理流聞即倖相亦語人張令似不
識吾家家亦不識張令無何倖相與御史後先敗而公用
卓異召拜工科給事中即上疏四事平賦役脩水利重守

巡謹隄防公故家東南於東南計尤切時方脩虜備公謂
即武庫甲仗將士司命柰何一切屬中官宜付外給事御
史得覈之又謂兩畿試不宜諉司訓老生能失士咸報可
公自吏科右給事遷刑科左持節封唐山王克正使給事
中之得正為使自公始也還晉戶科都給事中三上疏論
國漕大計下所司行之公自起小官驟貴重然恂恂益務
為恭謹不以白簡故加朝紳色而其於國家計尤懇春有
指樹數馬風諸公卿翕然稱之至出為浙江右叅政相驚
謂曰張公長者胡遽離瑣闥也公於職分守金衢嚴三郡
嘗平礦寇大將軍用師闡多倚義烏人而義烏人益驕橫

竊相從剽攻椎埋不休公錄其豪以自隨而饋之躬為訓
練成師曰子去盜而為縣官用抑何貴也建德學宮璅公
捐奉以先其新者蓋學成而諸生有薦薦者矣公為叅政
三歲始遷雲南按察使垂入境黔國公橫而欲用故事責
三司苛禮公使人語之曰公安得稱故事夫豈昔日黔公
也望金馬門若九天上而歎輕加其從臣乎尋謂其僚曰
禮如是足矣尋甸土酋沒而其妻安攝政移欲得四川酋
某夫之公獨曰安攝而私其土之人固恒今不虞失土耶
毋亦奸人詐為謀以構雞乎勿許便俄詐露竟知非安意
也公在諫垣日以椎轂賢士大夫為主然不欲使知之而

其所繩紕絕少恒曰吾柰何以耳語輕折天下材顧獨劾
一都御史苛暴好殺會有與主得不罷而都御史驟遷至
八座與相而握銓者比遂因上計誣斥公歸聞命之後日
即行滇以饒貸甲天下公無所搆顧獨拔士之宦滇而不
歸者悉傳置之人謂公即廉柰何惜他人裝而重我行
李也公笑不答當是時田畷市叟咸喜得一當公為壽至
詞翰之社崔躍思御而竟病痲矣痲一歲者可能起行忽
宿瘤潰不止久之卒年六十有二耳府君洪贈徵仕郎母
管氏贈孺人娶於浦封孺人子男二長即志熙太學生浦
出也娶於方前長史築女次志美邑諸生娶李鄉進士希

直女女二長適朱應龍次適陸養廉天孫男一孫女一公
為人寬仁恭儉出天性即所造請毋論其可者其不可者
亦訥然不欲見口也所推遜已論豪長筆即兒稚唯恐其
失之也五六歲喜為詩至老而吟灑不倦雍容和平得大
曆貞元遺旨然不欲為人出之間有能舉公詩者輒面赤
囁嚅欲避去以故其詩存者千餘首奏議公移牒文若干
卷鐫之笥而行者僅紀泚二稿而已王元美曰張公之為
長者乃爾吾聞之明興崑有王君良事高皇帝為陝西
按察使高皇帝揭其名於殿楣而目之敦厚其所為長
者狀非一今乃併張公二矣其官同其祿壽不配德又同

世無有能名王君者如張公可以瞑矣銘曰

漢有東陽侯張相如稱長者公豈其苗裔耶何其德之似
也明之始季崑人為觀察使而長者二百年而公始與王
君二之壽不德媿行不祿配乃所優乎其餘而昌厥嗣者
王君殆無是耶我銘公幽以徵夫世姦

浙江

圖






浙江圖書館



浙江圖書館



浙江圖書館

浙江圖書館善本

登記號：006677

一九 年 月 日



浙江圖書館

colorchecker CLASSIC



xrite



